

治河全書

治河全書

卷之十五

章奏

攔馬河減壩等工

挑濬丁溪

儀真開河

補脩高堰石工

衛河情形

勘閱河道

密免廢地錢糧

免追預給銀兩

會勘馬家港等工

總督河道提督軍務兵部右侍郎兼都察院右副都御史臣王新命謹
題為欽奉

上諭事康熙二十七年十月十九日准工部咨開都水清吏司

案呈奉本部送工科抄出該本部等衙門會覆經進講官
兵部等衙門尚書張玉書等題前事等因康熙二十七年

七月二十九日題八月十五日奉

旨九卿詹事科道會議具奏欽此欽遵於八月十六日抄出到
部該臣等會議得黃河水勢遷變靡常

皇上軫念河工關係運道通塞民生利病

親閱形勢宵旰焦勞纖悉經營皆厯

聖慮多方指授備極周詳是以數年以來黃河盡歸故道河身

日漸刷深順流趨海並無阻滯今尚書張王書等將原任

河臣靳輔所脩築之處公閱定議疏稱清口太平閘等處

脩建甚善無庸更改其黃河南北兩岸閘壩見在雖不過

水應仍留以備興漲引河未挑成者俱停止挑濬高家堰

減水壩三座今移於茆家園等高阜之處洩水較少應照

所移仍留其洪澤湖所洩之水由高寶等湖流入運河閘

係運道高郵等處減水閘壩應照舊仍留其貓兒窩等三

處減水壩洩水入駱馬湖亦仍存留黃河北岸朱家堂等
減水壩有閉塞折毀無庸議等語相應俱如所題至稱若
從中河安流以濟舟楫可免黃河一百八十里之險事屬
甚便但逼近黃河不便挑寬而運河駱馬湖水俱入北河
河窄恐不能容今酌量於黃河衝決入海舊河形處建減
水壩三座其河形淺窄處酌量挑濬亦應如所題至駱馬
湖進黃河之口應建減水壩二座今年水勢甚大俟水落
之時令河臣驗明建造支河口亦應閉塞於隣近處建板
閘一座隨時啟閉仲家閘出黃河之口應斜挑下埽以避

黃水宿遷縣北攔馬河洩黃水之壩應閉塞再駱馬湖減
水壩三座仍留內二座減水入中河其一座在遙堤外應
幫築遙堤堤根并運河永安堤危險及五堡減水壩衝壞
黃運兩河被刷坍塌等處亦均如所題一併俱交與河臣
務期脩理堅固以副裁

皇上軫念運道民生之至意等因康熙二十七年八月二十三
日題十月初三日奉

旨攔馬河洩黃水之壩應否閉塞著河道總督詳看議奏餘依
議欽此欽遵抄出到部擬合就行為此合咨前去煩為查照

本部等衙門會覆奉

旨內事理欽遵施行計黏抄一紙內開兵部等衙門尚書張玉書等為欽奉

上諭事該臣等會議得看閱黃河水勢兩岸出水頗高河身漸次刷深數年以來雖遇大水未經出岸河身淤墊之說甚屬虛妄其海口兩岸寬二三里許黃水沉溜直趨入海並無阻滯黃河南岸減水各閘壩見在雖不過水但從前的量形勢建設以防異漲均無容更易北岸朱家堂等各減水壩前河臣靳輔因脩中河有拆毀者亦有閉塞者應無

容議其王家營西減水壩向未過水且在仲家閘下流相應仍留朱家堂等壩既經拆毀閉塞不用應將北岸之大谷山減水閘壩并鎮口閘照舊仍留其減水閘壩之引河既無常流之水必致淤塞除已經挑成引河外應將未挑引河俱行停止至白洋河便民間地勢視歸仁堤地勢較高八九尺許見今之水俱可由歸仁堤五堡減水壩宣洩則便民間引河亦應停止挑濬其高家堰等處有減水壩六座內因武家墩高良澗等壩所減之水太甚今移設於茆家園等高阜之處則流入高郵寶應等湖之水較前差

少相應將所移仍留清口流入運河之水一由太平閘一
由七里閘兩道分行水勢平緩甚便漕輓又使運口去黃
稍遠可無倒灌之虞此脩建之處甚善無容更改至洪澤
湖所洩之水由高郵寶應邵伯等湖流入運河關係運道
應將高郵寶應等處所有減水閘壩照舊仍留其微山湖
荊山口入裏運河之水由貓兒窩馬莊集萬家莊等三座
減水壩宣洩入駱馬湖仍應存留至於中河寬八九丈至
十丈有餘深五六尺至一丈四五尺不等若從中河安流
以濟舟楫免黃河一百八十里之險事屬甚便但中河通

近黃河不便挑寬而襄運河及駱馬湖之水俱入此河河
窄難以容納看閱蕭家渡楊家莊新莊口三處有黃河衝
決入海舊河形應交與河臣量建減水壩三座水小之時
勿致漫流水大之時即行減洩其河形稍有狹窄之處亦
令酌量挑濬至駱馬湖進黃河之口應照靳輔原議建減
水壩二座今年水勢甚大俟水落之時令河臣驗明建造
支河口亦應照靳輔原議開塞於隣近處所建板閘一座
令隨時啟閉仲家閘出黃河之口太直如遇黃水泛漲必
致倒灌應稍向東南斜挑於口西下埽以避黃流庶免黃

河倒灌至中河既經挑濬其宿遷縣北攔馬河減洩黃水
壩三座不便令減入中河應將此三壩閉塞又駱馬湖減
水壩三座內二座所減之水雖注入中河但見今中河建
立開壩減水相應將此二壩仍留其一座在遙堤外入舊
河形入海而出水之口逼近遙堤亦應交與河臣幫脩堤
根保護遙堤無致他虞至於運河內永安堤兩面受水勢
甚危險又歸仁堤伍堡減水壩被水衝壞并黃河運河被
刷坍塌之處俱一併交與河臣脩理堅固總之全河情形
悉在

皇上淵慮之中臣等身履河干目覩河勢深歎

皇上睿鑒之至明

天語之至當且水勢之大小不一河道更變靡常事難執一誠
如

聖諭臣等淺見陋識無當萬一謹就所見公同酌議陳奏願河
道關係漕運民生最為重大仰候

聖明裁斷庶幾一一盡善可永享利濟於無窮伏乞

皇上睿鑒施行康熙二十七年七月二十九日題八月十五日

奉

旨九卿詹事科道會議具奏等因到臣欽此欽遵該臣看得河道關係漕運民生水勢從來變遷不一以致上厯

聖慮

躬親閱視宵旰經營多方指授黃河始歸故道日見安瀾順流後令

特挑中河以避黃河之險溜以利運艘之飛輓實為萬世永賴之平成臣以庸愚生際

聖明謬蒙

殊恩備員河道往來詳悉確勘惟期仰副

聖明於萬一查工部等衙門會覆尚書張玉書等欽奉

上諭一案於開壩之應留應塞工程之應舉應停河口之應挑
應濬詳悉確當誠如所議臣已檄行河道各官逐一遵行
外至攔馬河洩黃水之壩應否閉塞奉有著臣詳看議奏
之

旨臣欽查攔馬河洩黃水三壩原以宣洩黃河異漲之水今若
永行閉塞恐黃水異漲宣洩無路不無衝漫之慮似應仍
留如遇黃水異漲隨機開放以保堤工如水勢平緩則行
暫閉以免中河淤墊與黃河縷堤內外汕刷之虞再駁馬

湖減水壩三座議留二座於堤內減水入中河留一座在
遙堤之外又以中河逼近黃河而運河駱馬湖水俱入此
河河窄恐不能容納令於中河往東蕭家渡楊家莊新莊
口有黃河衝決入海舊河形之處量建減水壩三座減洩
臣愚以為既以運河駱馬湖水俱入中河河窄不能容納
是此駱馬湖二座減水壩之水為無用何必又留此二壩
之水減入中河復於蕭家渡等處建壩減出多此一番周
折況查舊案建一減壩所需不下一二萬餘金不等似不
若將此三座減壩俱留遙堤之外令由舊河形入海於蕭

家渡舊河形三處量留缺口二處用竹絡裝入石塊酌水
勢之高下堵塞宣洩以免衝漫以省錢糧之為要也又以
支河口議令開塞於隣近建板閘一座隨時啟閉但查支
河口乃北運河會同微山湖荆山口彭河沂河沭河白馬
等河並鎮口閘之水流入黃河之口一板閘至大不過二
丈四尺以二丈四尺之板閘豈能宣洩北運河之水勢必
衝漫似不若照舊聽其通流若彼年水勢充足則不必開
塞如水勢淺阻則建草壩開塞令其全入中河以濟運俟
糧艘過完即行啟壩循舊入黃以免衝漫淺阻之為便也

又駱馬湖入黃河之口令臣驗明建減水壩二座今臣於十月初二十一日初三等日水落之時兩次親驗堤外湖口寬一百餘丈深五六尺以至二丈二尺不等兩堤口寬六十餘丈深一二尺至二丈不等若迎水建減水壩則汪洋浩瀚無從下手若迎水下埽築堤再於兩堤頭建減水壩則全湖排山之勢似非埽堤減壩之所能禦必致衝潰且一堤兩壩所費不下數萬金是年脩年壞徒以有用之金錢填無窮之巨浸而究無底止也臣愚以為不若於兩堤頭間暫用埽料堵塞量水深淺用高出水面二三尺大

竹格裹石下於臨河外面旁依草埽挨次排列數層兩面再用密排椿夾持水小則逼水入中河以濟運水大則由竹絡上下以洩水所費少而工程易似尤可以省歲歲脩理之金錢臣見在責令該管官極力舉行再查駱馬湖原止匯沂河白馬河運河微山等河泛溢之水會入黃河未有如近日之洶湧緣邳城之東十五里舊有沐河自山口流出西行約四五里轉而南沿紅花埠峒崕一帶復東由沐陽入海邳城之東八里許迎沐水之口有名釣魚臺又俗名禹王臺者相傳大禹治水引沐水穿山而西恐其害

郟故築此臺以遏水勢及明季變亂遂毀臺取石脩城以
致數年來沫水西流由郟城城北會白馬河沂河等水入
駱馬湖不惟沂郟邳宿嶧各州縣歲受淹沒之害而駱馬
湖黃河亦添一沫河之水愈覺泛濫奔騰而不可遏考之
記載甚明詢之土人最確臣復親勘沫河故道斷流而禹
王臺水口之水涓涓不絕似應於禹王臺舊基處所迎水
亦用竹絡裹石堵塞內築土堤斷流令其照舊由故道入
海非但駱馬湖黃河之水勢得以減殺而郟沂邳宿嶧各
州縣亦可免淹沒之患矣再歸仁堤五堡減水壩被水衝

壞議令脩理堅固但臣會同查看切近五堡之格堤尚有
官路河口約二三十丈亦在過水而六七八九堡倒壞漫
溢之口不止一處若止脩五堡減壩而各處不脩仍為無
益且歸仁堤土工石工約長一萬餘丈廢壞多年非數十
萬帑金可以脩築之工程似不若暫停以省無益之費也
緣係奉

旨詳看議奏事理臣謹就愚昧所見逐一備陳字多逾格貼黃
難盡惟是河道重大具在

聖明洞照之中是否有當伏乞

皇上睿鑒全覽施行康熙二十八年閏三月十九日准工部咨
開都水清吏司案呈奉本部送捧接

御前發下紅本內該工部等衙門尚書翁叔元等會覆總督河
道王新命題前事等因二十七年十二月十三日題康熙
二十八年三月初三日奉

旨這本內事情著隨來諸臣確議具奏欽此欽遵又於康熙二
十八年三月初三日奉

上諭朕前閱中河初疑其狹隘今行經丹陽閱視河道亦復狹
隘又聞衆官民俱言中河挑濬有益所關甚大爾等會同總

河總漕確議具奏欽此欽遵該臣等會議得從前挑濬中河
原避黃河一百八十里之險且收束散漫之水使不致淹
沒民田看河諸臣亦疏稱若行中河則一百八十里之險
可避止因黃河逼近不便挑寬等語今我

皇上南巡省視民生經過丹陽又見與中河寬窄相等詢訪官
員百姓

命臣等會同總河總漕確議具奏仰惟

皇上從前

諭旨原欲收束漫溢之水拯救被災之民使淹沒田地得以涸

出故前任總河靳輔挑濬中河今水勢業已收束且避險
就易於生民漕運甚有裨益應將中河無容易議其駱馬
湖口先經尚書張玉書等看河之時題脩減水壩二座今
王新命稱丈量水深二丈有餘難以建壩且需錢糧甚多
應停其建壩編竹簍以盛石塊高出水面二尺成造堵塞
若水大可以浮面洩出等語又支河口先經張玉書等疏
稱建造板閘一座應令隨時啟閉今王新命稱若建閘水
大之時必致衝決應停其建閘留出水之口於兩堤下埽
堵塞等語此二處建閘脩壩用竹簍下埽減洩溢水與看

河諸臣所題其理無異但照總河王新命議建造脩理所需錢糧減少應照王新命所議建造又駱馬湖減水三壩先張玉書等疏稱將二壩之水令流入中河其一壩之水留在遙堤之外令流入海今此處王新命亦復稱善應照張玉書等所題又張玉書等稱裏運河駱馬湖之水俱入中河河窄難以容納應於北堤建脩減水壩三座今王新命稱若欲建壩所費錢糧必多應停其建壩亦用竹簍以盛石塊堵水若有大水可以減洩等語先張玉書等欲建壩減水今王新命用竹簍成造減水俱係洩水之意亦照

王新命所議脩造可也等因康熙二十八年三月初八日
題本月二十七日奉

旨依議

總督河道提督軍務兵部右侍郎兼都察院右副都御史臣王新命謹
題為欽奉

上諭事康熙二十八年三月三十日准工部咨開都水清吏司
案呈奉本部送工科抄出工部等衙門尚書蘇赫等疏稱
上河為下河本原互有相關之處若令交與侍郎凱音布
挑濬恐各籌所司之事反致誤工亦未可定今責成一人
總理督修則上下河道可以兼顧相應將下河事務交與
總河王新命務期速行挑濬以仰副

皇上愛民至意其凱音布挑河見用錢糧令交明王新命後回

京可也等因具題奉

旨依議欽此抄部送司奉此相應抄錄原疏移咨管理下河工程侍郎凱音布總河王新命知照可也等因案呈到部擬合就行為此合咨前去查照施行計粘抄疏一紙內開工部等衙門謹

奏為欽奉

上諭事康熙二十八年二月二十五日工部議修理下河具題一案桑格捧出原疏轉傳

上諭著扈從諸臣議奏欽此欽遵該臣等會議得先經工部具

題內開侍郎凱音布疏稱挑濬串場河並丁溪草堰白駒
石碶及車兒埠下滔子河起至苦水洋之處俱照凱音布
所題令其挑濬等語查近差侍郎徐廷璽巡撫于成龍看
閱下河具奏之處工部議自丁溪至白駒有通海之口三
處計三十七里應令商人挑濬其餘地方及石碶俱令停
止等因繕寫摺子具奏應將串場河石碶無容再議外其
丁溪草堰白駒等河先經于成龍孫在豐俱稱應挑今凱
音布亦題請挑濬應將此河仍令挑濬又自滔子竈挑至
苦水洋之處詢問侍郎徐廷璽巡撫于成龍據稱河埽場

河水流入苦水洋丁溪河水亦流入苦水洋且滔子窰上有歸入丁溪場之馮家壩小河一道相隔七里有餘如將此處挑濬則河埽之水可由丁溪流入苦水洋等語應將凱音布自滔子窰挑至苦水洋三十二里之處停止將通丁溪之馮家壩河道令其挑濬其餘俱照凱音布所題再查上河為下河本原互有相關之處若令交與侍郎凱音布挑濬恐各籌所司之事反致誤工亦未可定今責成一
人總理督脩則上下河道可以兼顧相應將下河事務交與總河王新命務期速行挑濬完工以仰副

皇上愛民至意其歡音布挑河見用錢糧令交明王新命後回京可也為此謹奏請

旨康熙二十八年二月二十九日題三月初六日奉

旨依議等因到臣准此同日又准管理下河工程戶部侍郎凱音布將任內具

題本稿咨部冊卷九件并存庫銀一十四萬一千九百七十兩六錢八分六厘三毫四絲移交到臣除將帑銀轉發河庫收貯俟興工支用外該臣看得下河七邑民田苦罹淹沒我

皇上目擊昏墊念切救拯不惜帑金專差督理務期旦夕告竣
登斯民於衽席不意數載未經底績致塵

睿懷今春

特舉時巡再行閱視歸併與臣兼理隨於閏三月初十日前往

下河一帶地方徧行閱歷一路黃童白叟莫不頂頌

皇仁以自開閘門白駒二口以來水退迅速不似曩歲接連沮
洳不獲寧居之可比是皆我

皇上仁德如天之所致也臣詳聞下河地勢形同側釜丁溪草
堰白駒等海口誠洩水要道目今丁溪草堰淤淺阻塞水

勢不過尺許緩流白駒水勢雖云疾趨東下用竿逐段驗
該深淺不等尚未一律深通自應速為挑濬惟是目今已
屆孟夏潮汐日漲伏水將至白駒一工去海不遠潮水甚
大草堰一工挑過無幾今若築壩興工竊恐伏水猝至不
惟糜費帑金究難竣工應俟今冬明春水退潮消之日趁
期興作惟丁溪一口去海稍遠地形較草堰白駒稍高目
今天道亢暘河水微細即使水至有草堰白駒兩河儘可
宣洩竟可不必取道丁溪臣已相度形勢行令原經手監
理通判王玘督同分管各員自沈家窰以下至撈魚港工

段盡處先行挑濬然後由下而上將挑而完者次第挑完
再將丁溪開下未挑工程挑通隨後將溜子竈歸入丁溪
之馮家壩河道工程先行如式挑濬以副我

皇上務期立奏平成拯救下河七邑民生之至意其所需夫役
原經侍郎臣凱音布題請仍於高郵等十一州縣每州縣
派夫一千名給與工價在案但州縣遠近不一派夫不無
苦累臣仰體

皇仁再四籌畫今丁溪草堰白駒等工既已先後次第興挑則
所用夫役減少責令管工各官領銀自募照例給與工價

陰雨日期量給食米若挑土所需鐵筐繩損等項需銀無
幾仍照侍郎臣凱音布所題動正項錢糧購備給夫應用
水車水桶雲梯石礮等器具俱在原侍郎臣孫在豐所存
之內選用如有損壞不堪酌量添脩並不扣除夫工至串
場一河為西來諸水匯歸下丁溪草堰白駒等河入海之
要道所有應挑三十七里已經移會鹽臣德珠照舊督商
召募人夫仍委原經手候選州同汪銓乘時尅期備挑俟
大工告成造冊

奏銷將管工各官一併遵照原題

請叙可也理合具本

題明伏乞

皇上睿鑒施行等因康熙二十八年四月十八日題五月初八日奉

旨該部知道欽此欽遵於五月初九日抄出到部該臣等查得總河王新命疏稱詳閱下河丁溪草堰白駒等海口誠洩水要道自應速為挑濬惟是伏水將至白駒一工去海不遠潮水甚大草堰一工挑過無幾應俟今冬明春水退潮消之日剋期興作惟丁溪一口去海稍遠臣已相度形勢

行令自沈家窰以下至撈魚港再將丁溪開下未挑工程
沿子窰歸入丁溪之馮家壩工程次第先行挑濬其所需
夫役責令管工各官領銀自募陰雨日期量給食米所需
鍬筐等項仍動錢糧購備給夫應用水車等器俱在所存
之內選用如有損壞酌量添脩並不扣除夫工等語查下
河工程先經扈從

聖駕諸臣公議交與總河王新命今疏稱自沈家窰以下至撈
魚港并丁溪開下未挑工程沿子窰歸入丁溪之馮家壩
工程次第挑濬所需夫役交與管工官員領銀催募鍬筐

等項仍動錢糧購備水車等項損壞酌量修理等因應如該督所題挑濬以仰副

皇上愛民之至意工完覈減造冊題銷又疏稱中場河應挑三十七里照舊督商召募人夫乘時僱挑等語查中場河應挑三十七里之處先經臣部議令鹽商挑濬亦應如所題行令巡鹽御史交與商人挑濬可也康熙二十八年五月十七日題本月十九日奉

旨依議

總督河道提督軍務兵部右侍郎兼都察院右副都御史臣王新命謹
題為漕白經由要津亟

請脩濬以速漕運以裕

國儲事康熙二十八年九月初五日准工部咨開都水清吏
司案呈奉本部送工科抄出該本部覆總督河道王新命
題前事等因康熙二十八年七月十二日題本月二十七
日奉

旨該部議奏欽此欽遵於七月二十八日抄出到部查得先經
原任總漕慕天顏將瓜儀二閘題請估計大脩臣部議行

新任總河親詣確勘作速具題到日再議等因具題奉

旨朕前巡行江南經過儀真地方見水淺開壞行船艱難俱宜

脩理著再議具奏欽此臣部議行河臣王新命將儀真瓜洲

二閘作速脩理仍將需用工料銀兩確估具題去後續據

總河王新命疏稱瓜洲頭四兩閘該工料銀八千三百六

十五兩九錢八分零挑濬月河該土方等銀一千七百二

十八兩一錢八分零至儀真各閘忽長欄河沙灘難以挑

挖見在委員挑驗另估冊題等語臣部以脩理瓜洲頭四

兩閘併挑濬月河既經該督估計具題應令作速脩理挑

藩至儀真各開該督既稱俟勘明另題應俟具題到日再
議等因具題行文在案該臣等查得總河王新命疏稱儀
真四閘荷蒙

皇上聖明洞照加意運道民生行令脩理臣查新河口之北新
洲原係江心長成之沙洲今欲挑挖成河從來未經試驗
之事可否挑成難以預必即挑成之後果否不復淤長尤
難逆料且糧艘皆由一閘經行未見阻滯所有一切重運
似應仍照歷年由瓜洲閘入運河其儀真挑洲開河并脩
理四閘俱應暫停飭令量為脩葺以利回空船隻俟沙洲

變遷可以通漕之日再行興脩等因前來查先經原任總漕慕天顏將瓜儀二閘題請大脩臣部議行新任總河親詣確勘作速具題到日再議等因具題奉

旨朕前巡行江南經過儀真地方見水淺閘壞行船艱難俱宜脩理著再議具奏欽此臣部議行河臣王新命將儀真瓜洲二閘作速脩理等因具題行文在案今該督雖稱北新洲原係江心長成之沙洲今欲挑挖未經試驗糧艘皆由一閘經行未見阻滯儀真河路併四閘暫停興脩等語但儀真閘河關係運道民生今若照該督所題暫停使各省漕

船盡由瓜洲一開進口勢必長江內漕船頂阻守候以致遲誤亦未可定應請

勅下總河總漕江南江西總督會同確勘定議具題到日再議可也等因康熙二十八年八月十五日題本月二十一日奉

旨儀真河開關係運道著河道總督會同江南江西總督漕運總督詳閱定議具奏欽此欽遵抄出到部擬合就行為此合咨前去煩為查照本部覆奉

旨內事理欽遵施行等因到臣准此該臣等欽遵

俞旨於九月三十日齊集儀真逐一詳勘北新洲沙漫洲等處
秋水未涸潮汐未退難以詳勘定議業經會疏

題明在案今行據儀真縣申報探得目今仲冬潮汐漸小本
月二十二三四等日乃係退汎之候沙漫洲門坎諒常見
露有水亦不過捺餘可以閱勘如過此期仍有微潮等因
前來臣等隨即訂期於十一月二十四日齊集儀真逐一
詳勘該臣等會勘得儀真河閘為上江漕艘經由要道我
皇上軫念漕運重計

勅令臣等詳閱定議今臣等逐一詳勘閘外江口北新洲一帶

俱係涸乾而北新洲之外又有沙漫洲平鋪於江中過水
不過二捺餘橫亘二三百丈難以築壩若自沙漫洲尾從
北新洲腹內向東北斜開引河以通四閘不能保無坍塌
似應仍挑北新洲舊河身直通四閘一切糧艘令循沙漫
洲尾轉入新河口可以通行其日久或有淤阻之處應聽
河臣酌量挑濬所有應挑土方并脩閘工料銀兩聽河臣
確估外臣等謹會議

題覆伏乞

勅部議覆施行等因康熙二十八年十二月初六日題康熙二

十九年正月十七日奉

旨該部知道欽此欽遵於正月十八日抄出到部查得先經原任總漕慕天顏將瓜儀二閘題請估計大脩臣部議行新任總河親詣確勘作速具題到日再議等因具題奉

旨朕前巡行江南經過儀真地方見水淺閘壞行船艱難俱宜脩理著再議具奏欽此臣部議行河臣王新命將儀真瓜洲二閘作速脩理仍將需用工料銀兩確估具題去後續據總河王新命疏稱儀真四閘荷蒙

皇上聖明洞照加意運道民生行令脩理臣查新河口之北新

洲原係江心長成之沙洲今欲挑挖成河從來未經試驗之事可否挑成難以預必即挑成之後果否不復淤長尤難逆料且糧艘皆由一閘經行未見阻滯所有一切重運似應仍照歷年由瓜洲閘入運河其儀真挑洲開河併脩理四閘俱應暫停飭令量為脩葺以利回空船隻俟沙洲變遷可以通漕之日再行興脩等因具題臣部以儀真開河關係運道民生若照該督所題暫停使各省糧船盡由瓜洲一閘進口勢必長江內漕船頂阻守候以致遲誤亦未可定應請

勅下總河總漕江南江西總督會同確勘定議具題到日再議
等因具題奉

旨儀真河開關係運道著河道總督會同江南江西總督漕運
總督詳開定議具奏欽此欽遵行文在案該臣等查得先經
總河王新命疏稱儀真開河口之北新洲今欲挑挖成河
從來未經試驗之事可否挑成難以預必其儀真挑洲開
河并脩理四閘俱應暫停等因臣部議覆奉

旨儀真河開關係運道著河道總督會同江南江西總督漕運
總督詳開定議具奏欽此欽遵行文去後今據總河王新命

會同江南江西總督傅臘塔漕運總督董訥疏稱儀真開
外江口北新洲一帶俱係乾涸而北新洲之外又有沙漫
洲過水不過二捺餘橫亘二三百丈難以築壩若自沙漫
洲尾從北新洲腹內向東北斜開引河以通四閘不能保
無坍塌似應仍挑北新洲舊河身直通四閘一切糧艘令
循沙漫洲尾轉入新河口可以通行其日久或有淤阻之
處聽河臣酌量挑濬所有應挑土方并脩閘工料銀兩聽
河臣確估等因前來查儀真河口關係運道民生今河道
總督江南江西總督漕運總督會同詳閱仍挑北新洲舊

河身直通四開一切糧艘令循沙漫洲尾轉入新河口可
以通行等語應如該督等所題交與總河挑濬脩理其挑
河脩開所需工料銀兩應令總河作速確估具題可也
康熙二十九年正月二十八日題本月三十日奉

旨依議

康熙二十九年二月二十八日准工部咨為欽奉

上諭事都水清吏司案呈奉本部送工科抄出總督河道王新
命題前事等因奉

旨工部議奏欽此欽遵抄出到部該臣等查得總河王新命疏
稱高郵南北一帶殘缺碑石工程欽奉

上諭著脩理欽此查高郵州東西堤殘缺碑石工共該工料銀
一萬九千七百四十六兩二錢九分零應於前河臣靳輔
交存大工銀內動用等因前來查高郵南北一帶碑石堤
工俱係舊堤少為脩葺並非創造堤工今估銀一萬九千

七百四十六兩有奇甚屬浮多理應駁減具題之日再行
脩理但關係運道仍令其一面脩理一面將所需錢糧該
督親身踏勘再行嚴加覈減作速估題又疏內稱高郵江
都寶應三州縣臨湖石工均關運道應否估脩理合題請
等語查河道一切脩理工程俱係總河專任如果係緊要
應脩之處該督理應定議具題今該督將高郵等三州縣
臨湖石工應否脩理並未確查定議具題不合應將該督
所稱應否估脩理合題請之處毋容議可也等因康熙二
十九年二月初四日題本月初九日奉

旨依議

總督河道提督軍務兵部右侍郎兼都察院右副都御史臣王新命謹
題為謹陳丹衛河道情形仰祈

睿鑒事竊照臨清以北一帶運河每歲重運經臨歷多淺阻因
考有河南小丹河可以通流入衛濟運曾經

題明親往看驗在案臣於十月初七日自清江浦起行循河
而至河南懷慶府河內縣細閱丹河發源太行山至丹河
口分渠九道大丹一河直歸懷慶沁河其餘陸渠民間引
水種竹溉地約計一千四百餘頃止小丹河上秦河二渠
灌溉所餘之水涓流通衛臣仰體

皇上漕運民田均關緊要之至意諭令所在紳士耆民於每歲三月初用竹絡裝石橫塞八河渠使水歸小丹河入衛以濟漕留涓涓之水以溉地至五月盡重運過完則開八河渠用竹絡裝石塞小丹河口以防山水漫溢士民咸為稱便其小丹河經脩武獲嘉以達合河鎮之處若有淺阻責令印河各官量為疏濬至輝縣棚刀泉在縣西北五里蘇門山下清水一泓約二十餘畝泉珠上湧難以數計即詩經所咏晁彼泉水也民間設立五閘蓄水灌田約三百頃往例於五月初一日封板放水濟運惟是五月正當農人

需水之時未免有妨農務臣親行啟閉看驗閉板始可通
渠灌田啟板則全流直瀉各渠立涸應亦用竹絡裝石量
渠口之高下堵塞使各渠之水常盈而所餘之水晝夜長
流以濟運其萬金渠出自彰德府安陽縣西南六十里善
應村山下約二十餘里至高平村昔人建閘開渠引水溉
彰德府西南東三面地約計百頃仍由彰德府東北五里
許入安陽河其閘二門閘門高不過三尺寬不過一丈臣
親行啟驗一啟板渠即斷流未免有妨農務亦應照五閘
之法用竹絡裝石塞閘通渠漕民兩便士民莫不惟欣頂

頌

皇仁再令重運不由黃河俱由中河北上較昔甚蚤五月封板
之議相應停止臣復循衛河至臨清由水路抵甲馬營等
處節節查驗凡有淤淺處所俱經責令地方官大加疏濬
所有微臣查看過丹衛河道各情形理合

題報伏乞

皇上睿鑒勅部議覆施行等因康熙二十九年十一月十一日
題本月二十五日奉

旨該部議奏欽此欽遵於十一月二十六日抄出到部該臣等

會議得總河王新命疏稱臨清以北運河歷多淺阻因考
有河南小丹河可以入衛濟運曾經題明親往看驗在案
臣自清江浦起行至河南懷慶府河內縣細閱丹河發源
太行山至丹河口分渠九道大丹一河直歸懷慶沁河其
餘六渠民間引水種竹溉地約計一千四百餘頃止小丹
河上秦河二渠灌溉所餘之水通衛臣仰體

皇上漕運民田均關緊要之至意諭令所在士民於每歲三月
初用竹絡裝石橫塞八河渠使水歸小丹河入衛濟漕留
涓涓之水溉地至五月盡重運過完則開八河渠用竹絡

裝石塞小丹河口以防山水漫溢士民咸為稱便其小丹河若有淺阻責令印河官量為疏濬至輝縣棚刀泉在縣西北五里蘇門山下約二十餘畝泉珠上湧難以數計民間設立五閘蓄水灌田約三百頃徃例於五月初一日封板放水濟運惟是五月正農人需水之時未免妨農臣親行看驗開板始可通渠灌田啟板則各渠立涸應亦用竹絡量渠口之高下堵塞使渠水常盈而餘流濟運其萬金渠出自彰德府安陽縣西南六十里善應村山下約二十餘里至高平村昔人建閘開渠引水溉地百頃仍由彰德

府東北五里許入安陽河其開門高不過三尺寬不過一丈臣親行啟驗一啟板渠即斷流未免有妨農務亦應照五開之法用竹絃裝石塞開通渠漕民兩便士民莫不懼欣頂頌

皇仁再今重運俱由中河北上較昔甚蚤五月封板之議相應停止等因前來查先經總漕董訥將舊有河南五開蓄水濟運改於三月內即為開放底河道無阻等因具題臣等會議以河南五開改於三月內開放果否不致有誤民田灌溉未經聲明不使遽議應行令漕運總督河道總督河

南巡撫會同確查定議具題到日再議等因具題行文去
後今該督雖將衛河五閘并丹河萬金渠閘等處看驗具
題但該督將此看驗之處並未會同總漕河南巡撫定議
具題不便遽議應仍行該督會同總漕河南巡撫將衛河
五閘并丹河萬金渠閘作何開放堵塞方可有益漕運民
田之處作速詳確定議具題到日再議可也康熙二十九
年十二月初十日題本月十四日奉

旨這事與總漕無涉著速行河南巡撫確定到日再議具奏

工部

謹

題為謹陳丹衛河道情形仰祈

睿鑒事工科抄出該本部等會覆河南巡撫周興邦題前事等
因康熙三十年三月初三日題本月十六日奉

旨該部知道欽此欽遵於三月十七日抄出到部該臣等會議
得河南巡撫周興邦疏稱衛河并丹河萬金渠開作何開
塞有益漕運民田奉

旨行臣確定到日再議臣隨親查丹河源發晉省流入黃河因
百姓開渠灌田外又開大渠直達運河使有小丹河之名

也前河臣王新命議用竹絡裝石塞渠濟漕留涓涓之水
溉地誠為可行但今重運俱由中河北上較昔甚艱如雨
水勻足照河臣所議用竹絡裝石塞口濟運灌田倘遇亢
旱請每年三月初一日起至五月十五日止令其三日放
水濟漕一日塞口灌田以後聽民使用再掘刀泉乃衛河
之源建立五閘蓄水灌田每年五月初一日封板濟運但
五月正民間需水之候應照河臣所議用竹絡裝石堵塞
使泉水直流濟運餘水灌田至萬金渠水自高平村建閘
開渠灌田之後仍歸洹河暢流入衛濟運亦應照河臣所

議用竹絡裝石塞開通渠以便民漕等因前來查該撫既將衛河丹河萬金渠親詣勘明確請具題應如該撫所題將丹河如遇雨水勻足之年用竹絡裝石塞口濟運灌田倘遇亢旱之年每年自三月初一日起至五月十五日止令其三日放水濟漕一日塞口灌田以後聽民使用至衛河五閘萬金渠閘亦應如所題用竹絡裝石塞口濟運灌田俟

命下之日知會總河可也康熙三十年四月初七日題本月初九日奉

旨依議

康熙三十年十月初八日准工部咨為欽奉

上諭事都水清吏司案呈康熙三十年九月十九日大學士伊
桑阿等奉

上諭河道關係甚屬緊要今河道情形如何脩理如何之處須
差大臣前往勘閱應差大臣著列名具奏欽此欽遵將各部
院衙門大臣職名開列具題恭候

皇上點差為此謹題請

旨康熙三十年九月二十一日題本月二十四日奉

旨看閱河道著博濟李光地徐廷璽去欽此欽遵於康熙三十

一年三月初四日准工部咨前事都水清吏司案呈奉本部送工科抄出該本部等衙門會覆戶部侍郎博濟等題前事等因康熙三十年十二月二十六日題三十一年正月二十八日奉

旨工部議奏欽此欽遵於正月二十九日抄出到部該臣等議得戶部侍郎博濟等疏稱黃河南岸自徐州以上毛城鋪起至海口止北岸自大谷山起至雲梯關以下六套止所有減水閘壩見無衝損黃河底刷深寬數年以來黃水並未出岸海口迅流無阻具黃河南岸楊橫莊險工堤內地

勢甚窪且無月堤見今所下之埽亦屬單薄煙墩險工水
勢湍溜而埽根之水甚深所下之埽單薄馬邏險工水勢
湍溜又無月堤北岸朱家莊險工逼近皂河運道所下之
埽亦屬單薄安東縣便益門南東門二險工逼近城垣以
上六處俱屬危險應令河臣脩造月堤培埽脩築其餘險
工亦應令河臣預為脩防高家堰減水壩六座內有古溝
東減水壩底被水衝損其三官廟等六口向來下埽今改
竹絡已完三處尚有未完應令照此脩完七里閘廩翅以
內底石被水衝損二丈有餘應令河臣速行脩理太平閘

并傍束水壩仍應令酌量開放高郵州等處減水壩九座
內有八里鋪車邏鎮二壩底石被水衝損其古溝束減水
壩底并此二壩底衝損之處均應令堅固脩理高郵州以
南五壩應仍照原定限期開放永安堤改下竹絡尚有未
完應速行脩完瓜洲閘二座月河一道儀真閘四座運河
一道俱係新工北運河東堤舊減水壩三座斷脩竹絡減
水小壩六座俱係建造以防異漲束堤兩面所下之埽朽
爛西堤殘缺單薄取土甚難且於運河無害似應暫緩束
堤迎受河水關係運道應於堤岸排椿之間下埽脩葺駁

馬湖所建竹絡壩中段被水衝壞若於湖口上流百丈許
東挑月河一千餘丈西挑月河一千餘丈分殺湖水於中
河似有裨益支河口東水壩迅流無阻中河北岸減水壩
二座攔馬河減水壩六座俱係建造以防異漲中河見今
漕船經由甚便禹王臺所建竹絡壩一段土堤一段堵塞
入駱馬湖之水全由沐河入海於中河有益下河丁溪草
堰白駒新建閘座始行興工車路引河尚未挑完應速行
脩建其閘門河水迅流無阻等因前來查侍郎博濟等公
同確勘既稱黃河底刷深寬南北兩岸減水閘壩見無衝

損瓜儀關河俱係新工北運河攔馬河中河減壩俱係建造以防興漲支河口束水壩并閘門河水迅流無阻中河見今漕船經由甚便等語俱無容議外其餘應行培築脩造閘壩堤工并挑月河之處均應如所題行令總河於歲脩內動支錢糧作速堅固脩理工完造冊題銷再疏內稱運河西堤殘缺單薄又稱取土甚難且於運道無害似應暫緩等語但運河關係重要應否暫緩之處應令總河靳輔親詣確勘定議具題到日再議可也康熙三十一年二月初六日題本月十一日奉

旨九卿詹事科道會議具奏欽此欽遵於二月十二日抄出到
部該臣等會議得工部題覆戶部侍郎博濟等查勘河道
一案奉

旨九卿詹事科道會議具奏欽此查得侍郎博濟等疏稱黃河
南北兩岸所有減水閘壩見無衝損黃河底刷深寬黃水
並未出岸海口迅流無阻瓜洲閘二座月河一道儀真閘
四座運河一道俱係新工北運河東堤舊減水壩三座新
脩竹絡減水小壩六座中河北岸減水壩二座攔馬河減
水壩六座俱係建造以防異漲中河見今漕船經由甚便

禹王臺所建竹絡壩一段土堤一段於中河有益支河口
東水壩并岡門河水迅流無阻俱無庸議其黃河南岸楊
橫莊險工堤內地勢甚窪且無月堤見今所下之埽亦屬
單薄煙墩險工水勢湍溜而埽根之水甚深所下之埽單
薄馬邏險工水勢湍溜又無月堤北岸朱家莊險工逼近
皂河運道所下之埽亦屬單薄安東縣便益門南東門二
險工逼近城垣以上六處俱屬危險應令河臣脩造月堤
培埽脩築其餘險工亦應令河臣預為脩防高家堰減水
壩內有古溝東減水壩底被水衝損其三官廟等六口向

來下埽今改竹絡尚有未完應令脩完七里開騰翅以內
底石被水衝損二丈有餘應令河臣速行脩理太平開并
傍東水壩仍應令酌量開放高郵州等處減水壩內有八
里舖車邏鎮二壩底石被水衝損其古溝東減水壩底并
此二壩底衝損之處均應令堅固脩理高郵州以南五壩
應仍照原定限期開放永安堤改下竹絡尚有未完應速
行脩完北運河東堤兩面所下之埽朽爛西堤殘缺單薄
取土甚難且於運河無害似應暫緩東堤迎受河水關係
運道應於堤岸排椿之間下埽脩葺駁馬湖所建竹絡壩

中段被水衝壞若於湖口上流百丈許東挑月河一千餘丈西挑月河一千餘丈分殺湖水於中河似有裨益下河丁溪草堰白駒新建閘座始行興工車路引河尚未挑完應速行脩建等因前來查河工關係重要今靳輔既任總河俱應交與靳輔照侍郎博濟等所議作速脩築堅固如內有照原議難行應急應緩脩造之處亦令總河酌量緩急脩造可也康熙三十一年二月十六日題本月十八日奉

旨依議

總督河道提督軍務兵部尚書兼都察院右副都御史加一級臣靳輔謹
題為

請密開河築堤歷地之糧并清淤出成熟地畝之賦以期上不
虧

國下不累民公私兩便仰祈

睿鑒事竊臣輔於康熙十六年奉

命治河興舉大工十有餘載上下於淮揚鳳徐四府州之間各
有開河築堤建造閘壩栽柳等項之處俱係明間納糧田
地理應豁免錢糧但查揚屬之高郵江都鳳屬之靈璧盱

胎徐屬之豐縣等五州縣工程無多廢地尚少而淮屬之
山陽安東清河桃源宿遷邳州睢寧徐屬之徐州蕭縣碭
山等十州縣工程甚多廢地亦廣臣輔前此正欲確查旋
以去任未經

題請小民至今不無包賠之累每每環呼臣輔祈求

上聞臣等伏觀我

皇上愛民之心仁民之政遠邁唐虞而且

賜賑

賜蠲

天恩無歲不下似此開河築堤之廢糧敢不亟請

恩給以除民累耶至兩河歸故中河告成之後潤出向年黃水
將原係河湖低窪沮洳之所淤成膏腴熟地者亦復不少
保無豪強占種而不納糧夫隱糧律有明條前項廢地既
請豁免則此項白占亦應陞科但此陞科豁免二者俱係
督撫之事以督撫為之呼應更靈所當仰請

皇上特沛綸音勅下江南督撫遴委賢能道府就近清查則陞
者陞而豁者豁庶豪強不得再占無糧之田而貧民獲免
無田之糧在

國賦無虧窮簷幸甚誠公私兩便之道也伏乞

皇上睿鑒勅部議覆施行康熙三十一年十月二十五日題十
一月初九日奉

旨九卿詹事科道會議具奏欽此欽遵於本月初十日抄出到
部該臣等會議得總河靳輔疏稱臣於康熙十六年奉

命治河興舉大工十有餘載於淮揚鳳徐四府州之間各有開
河築堤建造閘壩栽柳等項之處俱係民間納糧田地理
應豁免錢糧臣前此正欲確查旋以去任未經題請小民
不無包賠之累敢不亟請

恩綸以除民累至兩河歸故中河告成之後涸出向年黃水將原係河湖低窪沮洳之所淤成膏腴熟地者亦復不少保無豪強占種而不納糧廢地既請豁免則此白占亦應陞科但此陞科豁免俱係督撫之事所當仰請

勅下江南督撫遴委賢能道府就近清查則陞者陞豁者豁誠公私兩便之道等因具題前來相應行文江南江西總督江寧安徽巡撫遴委賢能道員等官將淮揚鳳徐四府州所屬地方開河築堤建造閘壩栽柳廢地并涸出向年黃水將原係河湖低窪沮洳之所淤成膏腴熟地豪強占種

不納錢糧之處逐一確查丈明具題到日再議可也等因
康熙三十一年十一月二十二日題本月二十五日奉

旨這事情著造部院堂上官一員前往會同該督撫將應豁免
應陞科錢糧確察定議具奏應遣官員開列具奏欽此欽遵
謹將各部院衙門堂上官員職名開列具題等因於康熙
三十一年十一月二十七日題十二月初一日奉

旨著熊賜履去欽此欽遵於康熙三十二年四月二十四日前
任河臣于成龍等准江寧撫臣宋學咨開前事康熙三十
二年四月初七日准戶部等衙門咨開江南清吏司案呈

准吏部尚書熊賜履等於康熙三十二年二月十九日至
雄縣地方

聖駕行在啟奏本日奉

旨這本並黃冊俱交與該部欽此欽遵於本月二十三日齎送
到部該臣得會議得先經原任總河靳輔將淮揚鳳徐四
府州屬開河廢地錢糧蠲免淤地錢糧起徵等因具題一
案臣等會議行令該督撫遴委賢能道員等官將開河廢
地并淤出熟地豪強占種不納錢糧者逐一確查文明具
題到日再議等因具題奉

旨著熊賜履去欽遵在案今據尚書熊賜履等疏稱淮揚鳳徐
四府州屬之高郵山陽等十二州縣并淮大二衛開河築
堤建閘栽柳拋廢田地三千七百二十八頃三十七畝零
應豁銀六千六百五十四兩四錢一分零米麥荳三千一
百一十三石四斗六升零葦柴一萬八千束海山等六州
縣并大河衛淤出田一千一百三十七頃一十畝零應陞
銀二千一百七十八兩七分零米麥一千二百九十九石
四斗八升零等因造冊具題前來查拋廢田地既經尚書
熊賜履等會同該督撫親行確查取具司道府州縣衛印

結送部其應徵銀米等項准其豁免將免過錢糧款項分晰造冊咨報該部仍令出示曉諭務使小民均沐

皇恩如不肖官員有私行徵收等弊該督撫即行指名題參若不行題參或被民人告發或被科道題參該督撫一併議處其查出淤田應陞銀米參石行令江撫於三十二年為始徵糧造入該年地丁錢糧奏銷冊內咨報該部可也等因康熙三十二年三月初七日題本月初九日奉

旨依議

康熙三十二年八月初八日准工部咨開為遠方之民應
募河工工停欠帑情真事確久蒙

聖明洞鑒部臣格於成例屢駁屢追仰願

天恩始終特賜豁免以免再瀆

天聽事都水清吏司案呈奉本部送工科抄出該本部覆總督
河道于成龍等題前事等因康熙三十二年六月初七日
題本月二十四日奉

旨該部知道欽此欽遵於六月二十五日抄出到部該臣等議
得先經原任總河靳輔等疏稱從前興舉河工派募里民

不勝苦累臣輔乃易派募為催募重堤一工力圖早竣令
各員費銀往江北東豫等處分頭催募每名預給銀數兩
不等正在興築奉

旨停工各夫四散而去預給銀兩無憑扣追查從前工程凡有
預給工完扣除是以在工有預給之實而冊報無預給之
名惟重堤一工忽然中止遂有預給之名仰請豁免其王
大成購交椿木細數另冊送部等因臣部以一切工程並
無預給工價之例應將該督等題請豁免之處毋庸議仍
於原經管各官名下將預給夫役銀四萬四千七十七兩

零追完報部其王大成領辦松木銀一萬六千五百兩雖將木值數目造送但未將每根價銀若干開造仍行該督等造冊送部等因題覆奉

旨這事情著新任總河察明具奏欽此欽遵行文在案今據總河于成龍等疏稱各工催募遠方之民應役原有先給安家路費等項然工完即已扣抵是以歷來報銷冊內未有預給之名今重堤一工興築未竟續奉停止以致預給之銀無從扣抵茲據該督查覆臣等復加訪察無異應如前河臣靳輔所題仰祈

皇恩特賜豁免王大成椿木價值造冊送部等因前來查高家
堰重堤係康熙二十六年八月內覆准脩築至二十七年
三月始行具題停止共支過夫工銀一十一萬餘兩如果
有預給安家路費等項銀兩豈不在支給夫工銀一十一
萬餘兩之內扣除明係借端冒銷應將該督等題銷豁免
之處毋容議仍於經管各官名下追究報部至王大成所
領銀一萬六千五百兩辦過椿木五萬八十根所開價值
與例相符應行該督等存廠為河工之用可也康熙三十
二年七月十三日題本月十八日奉

旨這預給夫役銀兩工程中止且已經年久著免追取餘依議

總督河道提督軍務兵部右侍郎兼都察院右副都御史加二級臣董安國謹
題為謹陳兩河見在情形請

旨公勘會議以重河防事康熙三十五年十一月十七日准工
部咨開都水清吏司案呈奉本部送工科抄出河道總督
董安國題前事等因康熙三十五年十月十二日題十一
月初七日奉

旨著江南總督漕運總督江寧安徽巡撫公同速行會勘確議
具奏該部知道欽此欽遵抄出到部擬合就行為此合咨前
去遵照奉

旨內事理欽遵施行計黏抄一紙內開為謹陳兩河見在情形
請

旨公勘會議以重河防事竊照淮揚徐三府州地方千里半居
黃淮中東三水之匯伏秋暴漲全藉兩岸堤工高寬以資
捍禦查一切堤工自前河臣靳輔或係創築或係加幫

欽差大臣察勘之後歷今十有餘年從未加幫是此十有餘年
之中每年伏秋黃水出漕逐漸汕刷淤墊兼之風雨淋漓
亦有傷損見有人從堤頂下視堤裏之去地面高深如故
而臨河堤身之去淤灘僅止三四五六七尺不等矣前河

臣于成龍止將山安二縣單薄卑矮五十段計長六萬五千餘丈

題請加幫蓋由從平常伏秋起見也經臣接任估計於本年七月初五日准到部文正擬興工而三水之異淤旋至黃中兩河水長丈餘洪澤湖水高出石工四尺九寸而高寶運河之水亦長丈餘以致上而徐邳宿桃山清下而高寶江都等州縣一切堤堰在在漫溢寬者二三百丈窄者數十丈數丈不等斯時也怒濤洶湧勢若排山隨時隨地百計設法搶救者三十餘日而終不能保全致有黃河之漲

家莊等三處漫衝幸而仰邀

皇上福庇不致奪河成患得以乘時興築已經

題明并將運河漫缺各口相機逐漸堵塞外惟是堤工之淤
墊單薄堰工之見在卑矮業已不足捍禦平常之伏秋况
遇本年異漲潰敗決裂之後若不及蚤綢繆而天時早潦
難定倘明歲更遇大水漲發則倉皇拮据將必更甚於今

矣臣蒙

皇上天恩畀以督河之任非不思勉竭駑駘力圖報効無如智
識短淺蚊負不勝其任但在官一日敢不盡一日之職掌

所有河湖堤堰見在情形就本年異漲之水論之除淮楊
徐三府州屬原係歲撥工程照常脩防外臣愚以為黃河
兩岸縷堤凡有單薄損傷必得逐一勘估加幫其山安境
內者雖經

題估若以本年異漲之水律之則前之

題估猶仍不足亦須一律再加寬厚至於宿桃清中河之東
水子堤已經漫溢汕刷十存一二且逼水太窄亦須酌議
改寬興築又邳宿之皂河兩岸堤工甚屬卑薄而閘王廟
一帶亟應加幫又高堰舊石工本年水高四尺九寸因有

毋却之處而新築石工原估止高一丈八尺以本年暴漲之水律之俱應酌議加高又外河之王公堤相隔運河止此一線向曾加築子堤今年異漲猶且漫溢過水淮浦幾瀕於危亦應酌議添建月堤又淮揚之運河雖經

題奉

俞旨估計興工在案但以本年異漲之水律之仍須酌議加高又劉老澗迤北引河應行疏濬導引入海以上各工所當及亟勘議加幫加砌以防下年之伏秋者也但工程浩大非臣一人私智之所敢承伏覩我

皇上神聖文武日理萬幾無微不至而於河工尤難逃
聖明方畧臣謹陳其大槩仰祈

睿鑒或賜

欽差大臣或賜

勅下江南總督總漕江安兩撫諸臣公同會勘確議具

題俾臣祇循奉行庶河工不致歧誤而運道民生得蒙

皇上天恩之浩蕩者誠無涯矣謹具

題請

旨伏祈

皇上睿鑒施行等因移咨到臣等准此隨於十二月初一日揚
州會齊逐一沿河查勘至二十一日抵徐聞畢該臣等會
勘得黃運兩河上關運道下係民生

皇上宵旰憂勤時廛

南顧臣等奉

旨會勘敢不仰體

聖心求為兩河萬全之策臣等公同會集先自江都縣運河歷

高寶山清以抵清口查運河自康熙十七年挑濬以來歷
今多載每遇伏秋泛漲黃水倒灌河身淤高兩岸堤工不

足捍禦業經河臣於運河節被淤墊等事案內

題奉

俞旨一面興工一面估計見在遵

旨加幫擇險加釘排椿毋容再議時屆新運難以煞壩開挑亦
俟來年漕船過完之後聽河臣另疏具

題外惟永安一工外當巨湖之衝內有清水潭之險上下舊
有石工則此椿埽土堤急應接建石工方足捍禦險汎其
舊石工創建年久從未加脩風浪衝擊日漸殘缺亦應一
律脩砌至淮郡城西全城關係盤糧廳為各省漕艘經臨

之地板開闢口乃南北商船停泊之所惠濟祠旁裏外兩河止隔一線孤堤最為險要俱係頂衝均應改建石工其龍汪惠濟二閘亦應加高再查清口為黃淮門戶引清敵黃所係甚大祇因爛泥淺即家莊裴家場三道引河勢分力弱每逢倒灌動輒淤墊應從大墩接築長堤挑濬裴家場引河逼令全湖之水滙歸出口併力敵黃又自清口歷武家墩高家堰高良澗徐壩以抵翟家壩除小黃莊以南新建石工見在興砌外其武家墩元帝廟後堤工卑窄昔為沙灘今成巨浸急應加幫高寬舊石工五千八百餘丈

內倒卸石工八百七十八丈急應脩砌又石工頂上排椿
風浪衝擊日久朽壞應重脩釘并於排椿之內加以木板
填築土方再於堰堤之上已築子堤者普面加高未築子
堤者一律加築堤裏內戲露雨淋卸亦應如式的脩葺家
園等減水六壩應加脩砌并添設礮心建置閘板淮弱則
下板蓄水以敵黃淮漲則啟板減水以宣洩程壩一帶堤
工低窄不堪今秋異漲漫堤過水均應加幫又自黃淮交
匯起歷山陽安東以抵海口黃河兩岸縷堤卑矮不足捍
禦業經河臣於謹陳河工幫築等事案內

題明加幫在案若照本年異漲水跡似宜再加高寬但江海湖河一時並漲從未有如今歲之甚者相應仍照原估加幫俟來年伏秋聽河臣相度水勢酌量另

題外惟海口乃全黃去路案查雲梯關迤下為昔年海口今則日淤日墊距海二百餘里下流之宣洩既遲則上游之壅積愈甚水勢不能容受小則倒灌大則漫溢斷斷不免矣見今河臣於雲梯關下馬家港地方挑挖引河一千三百餘丈導黃河之水由南湖河東注入海急應儘挑開放又清河縣之甘羅城卞家汪堤工單薄亦應一律加幫又

天妃壩石工今秋異漲水上石工築堰防禦應行加砌又
山陽縣之老壩口大小車路口險工當全黃之頂衝今秋
異漲竭力搶救方保無虞業經河臣於三報大漲水勢等
事案內

題明急應幫築錢堤一道以為內障又山陽縣之王公堤石
工卑矮本年漫堤過水應行加高并應加幫月堤以為外
護又自清河歷桃源宿遷邳州睢寧靈璧以抵徐州除兩
岸縷堤見在高寬未至損傷者毋庸加幫外查黃河南岸
清河縣之南河嘴為黃淮門戶河身寬濶黃水每多倒灌

應築欄黃大壩一道直接縷堤并於甘羅城西創建草壩
使口門小一分則黃水少灌一分再清河縣界內縷堤一
千五百五十九丈五尺陡坡壩却桃源縣界內縷堤四千
六百五十丈并靈壁縣界內縷堤一千二百丈地勢低窪
以及宿遷縣界內彭家堡險工一百二十二丈埽臺卑矮
蔡家樓雞嘴壩一百三十二丈舊壩單薄均應加幫睢寧
縣界內戴家樓險工三百三十五丈全黃頂衝勢甚危險
應建挑水磯嘴大壩并於對岸漲出沙灘酌挑引河一道
導水中行以防衝激其武官營子堤七百零四丈亦屬單

薄並應加幫徐州界內小店月堤三百九十五丈卑薄不堪急應加幫并接築月堤一道楊家窪楊橫莊兩險工水勢南遷全黃頂衝應於楊家窪加幫埽臺添築月堤并於楊橫莊北岸沙灘酌挑引河以避危險其徐州護城石岸五百一十五丈為州城保障本年異漲水與岸平急應酌量加高查黃河北岸縷堤自清河縣界石人溝起由桃源至宿遷縣卓家莊迤上止共工長一萬八千九百九十二丈內係中河外係黃河一線長堤兩面受敵兼之地勢低下堤工汕卸均應酌量分別加幫上而宿遷界內河北鎮

堤工二百五十丈陡坡塌卸應行脩築河流日漸北趨并
應建磯皆大壩以挑水勢朱家堂減水廢壩長一百二十
丈應接連繕堤補築一律宿遷縣皂河西朱家堂并邳州
三官廟塘池三險工水勢頂衝應各築月堤一道再於象
山之南酌挑引河導水直下不獨塘池可以無虞即羊山
寺董家堂二工亦均可以避險查中河一道全引駱馬湖
之水敵黃濟運前造湖口竹絡大壩年久未脩以致朽爛
因而黃水倒灌應照舊脩理其南北兩岸束水子堤卑矮
單薄通水太窄一遇泛漲即有漫溢汕刷之虞應於北岸

仍循舊址加幫南岸臨河遠者亦照舊址加幫臨河近者酌量改寬興築并建小閘減壩置板啟閉水大則藉以分洩水小則收束濟運再於頂衝埽灣之工照運河例簽釘排椿鑲填丁頭第中河之水由仲莊閘直注黃河逼溜南趨黃水勢強每易倒灌運口議於運口之下糧艘由陶莊閘進口入中河北上使清水由陶莊閘出黃底不助黃倒灌其雙金門石閘格堤應移建於陶莊閘之下束水行運但今新運在通未便驟改俟秋後河臣相機改建可也又清河宿遷之護城堤并清河萬家園之遙堤俱屬低矮

均應加幫又宿遷劉老澗減壩應照河臣前

題建造減水石壩機心置板改閉迤下引河淺澀之處應行挑濬導引入海再查皂河兩岸堤工除邳州東堤無誤運道毋庸議築外宿遷縣東堤五千二百七十六丈七尺邳宿二州縣西堤九千零八十四丈七尺漫溢殘缺而閘王廟一帶尤汕刷殆盡有關運道民生均應酌量一律脩築以上各工俱經臣等公同親履確勘除今秋興漲黃運兩河漫溢水口悉已脩築完竣其童家營一工亦見在興脩堵塞并歲搶工程照常脩防不議外所有會勘過應脩應

築之處理合繕疏

題覆其需用土方工料應聽河臣確估具

題興工可也臣等未敢擅便伏乞

皇上睿鑒勅部議覆施行等因康熙三十五年十二月二十四

日題三十六年正月二十三日奉

旨河工關係重大這會勘應脩應築工程俱著照該督等所題
作速興工該部即將錢糧撥給其海口為黃水入海之道所
關甚屬緊要河道總督每年委賢能河官專管脩理勿致壅
滯該部知道